

GIG Cymru

Rhaglen Ddysgu ym maes Cynllunio

Diploma Ôl-raddedig mewn Cynllunio Gofal Iechyd

CARFAN 2 – DYDDIAD CAU 11 MEDI 2020

Pecyn Recriwtio

Mewn partneriaeth ag Ysgol Fusnes Caerdydd



Awst 2020

<https://www.cardiff.ac.uk/cy>



Diben

Cynllunio yw sylfaen system gofal iechyd Cymru ac felly mae angen sgiliau cynllunio cryf a chadarn er mwyn cefnogi GIG Cymru. Yn wahanol i gydweithwyr Cyllid ac Adnoddau Dynol (AD), mae cynllunwyr y GIG yn dod o gefndiroedd gwahanol a chanddynt brofiadau amrywiol ac, yn aml, nid ydynt wedi cael cyfle i astudio cymhwyster cynllunio ffurfiol.

O ganlyniad, mae Llywodraeth Cymru, trwy weithio gyda Chymuned Gynllunio GIG Cymru, wedi creu Academi Gynllunio a fydd yn datblygu gwybodaeth cynllunwyr a'r rhai sy'n cynllunio ymhellach, o fewn system Cymru.

Bydd yn cyflawni hyn trwy ddigwyddiadau a gweithgareddau dysgu amrywiol, gan adeiladu cymuned a fydd yn creu arbenigedd ar y cyd, rhannu gwybodaeth, profiad ac arfer gorau.

Un o brif golofnau rhaglen yr Academi Gynllunio yw'r Diploma Ôl-raddedig mewn Cynllunio Gofal Iechyd ac rydym yn chwilio am weithwyr talentog, brwdfrydig i'w gyflawni.

Cymerwch amser i ddarllen y pecyn recriwtio hwn i gael rhagor o wybodaeth.

Partner Academiaidd

Mae Ysgol Fusnes Caerdydd, sef y chweched orau yn y DU yn y Fframwaith Rhagoriaeth Ymchwil diwethaf, wedi derbyn y contract 5 mlynedd i ddarparu'r Diploma Ôl-raddedig ar gyfer Cynllunio Gofal Iechyd. Dechreuodd y cwrs ym mis Hydref 2019 gyda'r garfan gyntaf o fyfyrwyr.

Bydd myfyrwyr a dderbynnir i'r rhaglen yn astudio ym Mhrifysgol Caerdydd, rhan o'r Grŵp Russell mawr ei fri a'r brifysgol orau yng Nghymru, er mwyn ennill eu cymhwyster Cynllunio Gofal Iechyd trwy raglen ddysgu 18 mis. Bydd yn cael ei addysgu gan dîm rhyngddisgyblaethol o arbenigwyr academiaidd o'r Ysgol Fusnes, yr Ysgol Feddygaeth a'r Ysgol Fathemateg, er mwyn mynd i'r afael â'r sgiliau amrywiol sydd eu hangen ar gyfer cynllunio llwyddiannus.

Bydd y rhaglen yn darparu cymysgedd o sesiynau dysgu, ymarferion ymarferol, deunydd ar-lein ac asesiadau dros chwe modiwl o dan arweiniad tîm cyflwyno academiaidd arbenigol. Bydd y modiwlau hyn yn ceisio datblygu'r sgiliau angenrheidiol fel y gellir ymgymryd â chynllunio integredig cynaliadwy a fydd yn cefnogi'r ffyrdd newydd o weithio sy'n ofynnol o dan Ddeddf Llesiant Cenedlaethau'r Dyfodol (Cymru) 2015, a'r amgylchedd newydd a amlinellir yn Cymru Iachach: Ein Cynllun Iechyd a Gofal Cymdeithasol (2018). Bydd siaradwyr gwadd ac astudiaethau achos yn ychwanegu at y dysgu gyda mewnwelediadau perthnasol, diddorol er mwyn helpu aelodau'r garfan i gymhwyso'r dysgu at eu sefydliadau.

Bydd y Diploma yn helpu i godi proffil proffesiynol cynllunio fel mecanwaith ar gyfer trawsnewid. Bydd yn darparu porth i ddatblygu mwy o dalent o fewn GIG Cymru gan ddarparu llwybr i gynllunio ar gyfer olyniaeth hefyd.

Arweinydd Academaidd – Yr Athro Aoife McDermott



Ymunodd Aoife ag Ysgol Fusnes Caerdydd bron i ddegawd yn ôl. Mae ei hymchwil yn ystyried rôl pobl a rheoli newid wrth helpu i ddarparu a gwella gwasanaethau, yn arbennig o fewn cyd-destunau'r sector iechyd. Mae hi'n un o ymddiriedolwyr y Gymdeithas Ddysgedig ar gyfer Astudiaethau mewn Trefnu Gofal Iechyd (SHOC), ac yn gyn-gydlynnydd yn Sefydliad Iechyd Caerdydd a'r Grŵp Astudiaethau Polisi. Gellir cysylltu ag Aoife ar mcdermotta@cardiff.ac.uk a 029 2087 5065.

Amlinelliad o'r cwrs

Bydd y diploma ôl-raddedig arfaethedig yn gwrs rhan-amser 18 mis sy'n cynnwys chwe modiwl:



Bydd pob modiwl gwerth 20 credyd. Ac eithrio 'Cynllunio Busnes, Ymchwil a Gwerthuso' (gweler yn ddiweddarach), mae'r rhain yn seiliedig ar 2 ddiwrnod o ddarpariaeth wedi'i hwyluso, wedi'i hategu gan adnoddau dysgu digidol.

- **Cynllunio Strategol ac Arloesi**

Mae cynllunio strategol a defnydd priodol o arloesi yn ganolog i gynaliadwyedd y GIG. Mae'r modiwl hwn yn rhoi platform i chi ddeall, dadansoddi a gwneud dewisiadau cynllunio strategol priodol a rheoli arloesedd o fewn eich sefydliad a'r GIG yn ehangach.

- **Tystiolaeth a Dadansoddeg Cynllunio Gofal Iechyd**

Caiff y broses o wneud penderfyniadau ar sail tystiolaeth ei chefnogi gan waith coladu a dadansoddi data perthnasol, yn ogystal â chyflwyno hygyrch er mwyn sicrhau dealltwriaeth a defnydd. Bydd y modiwl hwn yn archwilio ystod o ddulliau dadansoddi data sy'n berthnasol ar gyfer cynllunio gweithredol, tactegol a strategol o fewn gofal iechyd.

- **Cynllunio Cydweithredol ac Integreiddio**

Cefnogir gofal iechyd gan gydweithredu ar nifer o lefelau gwahanol o fewn, ac yn gynyddol ar draws sefydliadau. Yng nghyd-destun hybu integreiddio, byddwch yn archwilio'r rhesymeg dros gydweithredu a'r mathau o gydweithredu sy'n bodoli, yn ogystal â rôl strwythurau, prosesau ac asiantaethau sefydliadol sy'n ei alluogi neu'n ei atal.

- **Adnoddau: Cyllid a Phobl**

Mae gan gynllunio oblygiadau ar gyfer adnoddau sefydliadol. Bydd y modiwl hwn yn darparu gwybodaeth ynglŷn ag egwyddorion, prosesau a thechnegau sy'n berthnasol ar gyfer cynllunio ariannol, rheoli risg a monitro perfformiad. Bydd hefyd yn archwilio'r ystyriaethau sy'n gysylltiedig â phobl a allai gael dylanwad ar benderfyniadau cynllunio.

• **Cynllunio Busnes, Ymchwil a Gwerthuso**

Bydd y modiwl hwn yn datblygu eich gwybodaeth ynglŷn â'r broses ymchwil a'r defnydd o wahanol fathau o dystiolaeth i lywio cynllunio a newid. Byddwch yn ystyried dulliau ar gyfer datblygu achos busnes cymhellol ac yn archwilio ystod o ddulliau o ran gwerthuso gwasanaeth. *Sylwer y bydd y modiwl hwn yn cael ei ddarparu'n gyfan gwbl ar-lein (gan gynnwys ar ôl COVID-19), gyda chymorth wedi'i drefnu.*

• **Arwain a Chynllunio Newid**

Mae dull effeithiol o arwain a rheoli newid yn hanfodol er mwyn osgoi 'bwlch gweithredu' rhwng bwriad cynllunwyr a'r hyn sy'n digwydd ar lawr gwlad. Bydd y modiwl hwn yn gwerthuso'r sylfaen dystiolaeth a'r goblygiadau ymarferol ar gyfer arwain newid o fewn cyd-destun y GIG. Byddwch yn cael eich cynorthwyo i fyfyrio ynghylch ffyrdd y gallech ddatblygu eich arferion fel 'arweinydd' ac 'asiant newid'.

O ganlyniad i COVID-19, penderfynwyd symud y Diploma ar-lein ar gyfer y flwyddyn academiaidd 2020-2021. Bydd deunyddiau dysgu modiwl, sesiynau addysgu amser real wedi'u hwyluso, cymorth rhwydweithio a deunydd llyfrgell ac adnoddau eraill ar gael yn ddigidol. Bydd hyn yn rhoi'r un mynediad i fyfyrwyr waeth ble maen nhw yng Nghymru. Mae tîm y rhaglen wedi ymrwmo i gynorthwyo'r garfan i ddod ynghyd, er bod hynny'n digwydd o fewn yr amgylchedd newydd hwn, i weithio gyda'i gilydd fel y gellir cyflawni trawsnewidiad ac i ragori.

Pan fydd darpariaeth bersonol yn ailgychwyn yn y dyfodol, bydd costau teithio, cynhaliaeth a llety, ar gyfer y myfyrwyr hynny sydd angen aros yng Nghaerdydd, yn cael eu cefnogi gan gyflogwr yr unigolyn.

Dyddiadau Modiwlau

Darperir dyddiadau dangosol ar gyfer darpariaeth amser real wedi'i hwyluso isod. Mae deunyddiau ar-lein yn cael eu dosbarthu cyn y sesiynau a addysgir yn fyw.

Dyddiad	Modiwl
Tachwedd 2020	Sefydlu – Cofrestru, Croeso, Gwasanaethau Myfyrwyr, Adeiladu Carfan
Ionawr 2021	Modiwl 1: Cynllunio Strategol ac Arloesi
Mis Mawrth 2021	Modiwl 2: Cynllunio Gofal Iechyd – Tystiolaeth a Dadansoddeg
Mehefin 2021	Modiwl 3: Cynllunio Cydweithredol ar gyfer Integreiddio
Hydref 2021	Modiwl 4: Adnoddau – Cyllid a Phobl
Ionawr 2022	Modiwl 5: Cynllunio Busnes, Ymchwil a Gwerthuso (Darpariaeth Ar-lein)
Ebrill 2022	Modiwl 6: Arwain a Chynllunio Newid

Adborth gan Garfan 1

“Rydw i mor falch ein bod wedi gallu astudio Cynllunio Strategol ac Arloesi cyn bod COVID-19 yn dod. Roeddem wedi dysgu ynglŷn â chynllunio yn y Fyddin ac wedi datblygu rhai cysylltiadau gwyb a brofodd i fod yn amhrisiadwy pan oedd angen i ni addasu popeth a dechrau paratoi ar gyfer COVID.”

“Mae'n anodd delio â'r gwaith sy'n ofynnol, y swydd a bywyd teuluol, ond mae'r pethau rydyn ni'n eu dysgu, y rhwydwaith rydyn ni'n ei adeiladu, yn ei gwneud yn werth yr ymdrech”

“Rwy'n pryderu am y modiwl Dadansoddeg ond rwy'n gyffrous ar yr un pryd. Rwy'n gwybod y bydd dadansoddeg yn fy helpu i gynllunio'n fawr iawn, a bydd gweithio gydag academyddion sy'n gwneud y cynnwys yn hygyrch, yn gyfle perffaith i mi gael ennill y set o sgiliau hon”



Carfan 1

Meini prawf cymhwysedd

Bydd angen i chi wneud cais i'r sefydliad sy'n eich cyflogi er mwyn gallu ymuno â'r rhaglen.

Fel arfer bydd angen bod ymgeiswyr naill ai:

- Yn raddedigion o brifysgol gydnabyddedig gydag isafswm gradd 2:1 ac o leiaf 3 blynedd o brofiad gwaith perthnasol.

NEU

- Yn meddu ar gymwysterau proffesiynol helaeth a/neu brofiad gwaith proffesiynol sylweddol.

Os ydych chi'n dymuno cael eich argymell ar gyfer mynediad ar sail profiad yn unig, yna bydd yn rhaid i'ch cyflogwr drafod

eich profiad gyda'r Arweinydd Academaidd, yr Athro Aoife McDermott – **McDermottA@cardiff.ac.uk**. Cysylltwch ag Aoife os oes gennych unrhyw gwestiynau ynglŷn â'r rhaglen.

Bydd y sefydliad sy'n eich cyflogi yn gyfrifol am gynorthwyo'r ymgeiswyr, o ran ad-dalu costau teithio, cynhaliaeth a llety, sy'n debygol o godi wrth fynychu'r modiwlau a addysgir yn Ysgol Fusnes Caerdydd; ac o ran cynnig amser astudio digonol, mynediad at wybodaeth a chymorth gan reolwyr er mwyn gwneud y cwrs.

Nawdd Llywodraeth Cymru

Mae Llywodraeth Cymru yn cefnogi'r Rhaglen Ddysgu ym maes Cynllunio ac yn cefnogi'r diploma ôl-raddedig a gynlluniwyd gyda 100% o gyllid ar gyfer y ddwy flynedd gyntaf. Wedi hynny, bydd Llywodraeth Cymru a GIG Cymru yn rhannu'r costau ar sail 50/50.

Mae'r cyllid hwn yn talu ffioedd y cwrs sef **£6,052** fesul myfyriwr fesul diploma.

Prifysgol Caerdydd fydd yn gwneud y penderfyniad terfynol o ran pa ymgeiswyr fydd yn cael eu derbyn ar y rhaglen. Nid yw'r broses hon yn disodli proses derbyniadau cyffredinol y brifysgol.

Proffil Myfyriwr Diploma Ôl-raddedig mewn Cynllunio Gofal Iechyd


Gofyniad	Hanfodol	Dymunol
ACADEMAIDD		
Gofyniad Prifysgol Caerdydd: Addysgwyd i lefel gradd neu o leiaf 3 blynedd o brofiad cyfwerth	✓	
Gofyniad Prifysgol Caerdydd: 3 blynedd o brofiad rheoli perthnasol neu brofiad o reoli prosiectau	✓	
Y gallu i astudio ar lefel 7 ôl-radd	✓	
Gwybodaeth academiaidd am ymchwil sylfaenol a sgiliau dadansoddi ystadegol (neu'r gallu i ddangos defnydd o hyn mewn amgylchedd gwaith)		✓
PROFIAD		
Profiad o gyfrannu at, neu ddatblygu cynllun gwasanaeth amlddisgyblaethol, cymhleth	✓	
Profiad o ddatblygu a gweithredu achosion busnes		✓
Profiad o fonitro a gwerthuso gweithrediad cynllun		✓
Profiad o gynllunio strategol hirdymor		✓
Profiad o gyfrannu at, neu arwain, proses gwneud penderfyniadau	✓	
Profiad o weithio o fewn amgylchedd cynllunio		✓
Profiad o gydweithio â rhanddeiliaid		✓
Profiad o ddylanwadu trwy waith prosiect, cadeirio cyfarfodydd, arwain staff	✓	
Profiad o gymryd rhan mewn rhaglenni rheoli newid neu eu harwain	✓	
Profiad comisiynu		✓
Profiad o (neu'r gallu i ddangos dealltwriaeth sylfaenol o) reoli adnoddau (ariannol neu weithlu)	✓	
Y SEFYLLFA BRESENNOL		
Bydd yr ymgeisydd mewn sefyllfa i gynnal prosiect ystyrlon fel rhan o'r diploma, gyda'r potensial i weithredu newidiadau a nodwyd o ganlyniad i'r prosiect	✓	
Mae'r ymgeisydd ar gam yn ei yrfa lle bydd y cwrs o fudd iddo ef fel unigolyn ac i'r sefydliad	✓	
Mae gan yr ymgeisydd angen presennol a phenodol i ddatblygu sgiliau cynllunio penodol, naill ai o fewn cynllunio fel llwybr gyrfa a ddewiswyd, neu lle bydd cynllunio yn ffurfio rhan sylweddol o lwyth gwaith yn y dyfodol e.e. gweithio tuag at lefel Rheolwr Cyffredinol/Rheolwr Rhanbarthol	✓	
Mae gan yr ymgeisydd wybodaeth gadarn am y system gynllunio bresennol o fewn GIG Cymru	✓	
Mae gan ymgeiswyr ddiddordeb yn yr amgylchedd gwleidyddol a deddfwriaethol presennol sy'n effeithio ar y maes iechyd a gofal cymdeithasol, a gwybodaeth sylfaenol amdano	✓	

Cyfranogwyr ar y cwrs

Cynigir y bydd 25 o gyfranogwyr ar gyfer Carfan 2 sy'n dod o'r sefydliadau canlynol.

Sefydliad GIG Cymru	Nifer Arfaethedig yn y Garfan
Bwrdd Iechyd Lleol Prifysgol Abertawe Bro Morgannwg	2
Bwrdd Iechyd Prifysgol Aneurin Bevan	2
Bwrdd Iechyd Prifysgol Betsi Cadwaladr	2
Bwrdd Iechyd Prifysgol Caerdydd a'r Fro	2
Bwrdd Iechyd Prifysgol Cwm Taf	2
Bwrdd Iechyd Prifysgol Hywel Dda	2
Bwrdd Iechyd Addysgu Powys	2
Iechyd Cyhoeddus Cymru	2
Ymddiriedolaeth GIG Felindre	2
Ymddiriedolaeth Gwasanaethau Ambiwlans Cymru	2
Partneriaeth Cydwasanaethau GIG Cymru	1
Pwyllgor Gwasanaethau Iechyd Arbenigol Cymru	1
Gwasanaeth Gwybodeg GIG Cymru	1
Pwyllgor Gwasanaethau Ambiwlans Brys	1

Mae niferoedd y garfan yn ddangosol, ac efallai y ceir rhywfaint o hyblygrwydd rhwng sefydliadau o fewn y cyfanswm. Mae'r tabl hwn yn cynnig cyfanswm o 24 lle. Mae lle ychwanegol ar gael a gellid ei ddyrannu fel lle ychwanegol ar gyfer sefydliad yn y GIG, sefydliad cenedlaethol (fel y Gydweithrediaeth), Addysg a Gwella Iechyd Cymru (AaGIC), Llywodraeth Cymru neu awdurdod lleol sydd â pherthynas waith agos â chynllunio'r GIG.



Sut i wneud cais

Bydd y broses ymgeisio yn cael ei rheoli'n lleol, ac felly bydd angen bod y sefydliad sy'n eich cyflogi yn asesu eich gallu i gael eich dewis er mwyn astudio ar gyfer y cymhwyster hwn.

Mae'r datganiad o ddiddordeb wedi'i atodi yn Atodiad 1. Bydd angen cwblhau hwn a'i ddychwelyd i'ch Cyfarwyddwr Cynllunio erbyn 11 Medi 2020

Bydd ymgeiswyr llwyddiannus yn cael eu hysbysu erbyn diwedd mis Medi 2020 os ydynt wedi cael lle ar gyfer Hydref 2020. Bydd y penderfyniad o'r broses ymgeisio hon yn derfynol ac ni fydd yn destun prosesau apelio.

Tasg	Dyddiad cau
Cefnogi ymgeiswyr i gwblhau eu profforma datganiad o ddiddordeb , gan gyflwyno hwn i'w Cyfarwyddwr Cynllunio.	11 Medi 2020
Ymgeiswyr: prawf o gymhwyster a chymhwysedd yn cael ei gadarnhau	11 Medi 2020
Llywodraeth Cymru yn cael ei hysbysu gan Gyfarwyddwyr Cynllunio ynghylch darpar ymgeiswyr	14 Medi 2020
Llywodraeth Cymru yn hysbysu'r ymgeiswyr llwyddiannus	28 Medi 2020
Ysgol Fusnes Caerdydd yn gwahodd ymgeiswyr i'r cwrs	30 Medi 2020
Digwyddiad cofrestru/sefydlu	23/24 Tachwedd 2020



Datganiad o Ddiddordeb

Enw:			
Swydd:			
Sefydliad:			
Manylion cyswllt: Ffôn ac e-bost			
Cymwysterau a ddelir:	Teitl y cymhwyster	Dyddiad y'i cwblhawyd	Sefydliad
Profiad sy'n gyfwerth â lefel gradd:			
Disgrifiwch sut rydych yn bodloni'r 'meini prawf hanfodol' a ddisgwylir ar gyfer y rhai sy'n astudio ar gyfer Diploma mewn Cynllunio Gofal Iechyd (heb fod yn fwy na 500 o eiriau)			
Disgrifiwch sut rydych yn bodloni'r 'meini prawf dymunol' a ddisgwylir ar gyfer y rhai sy'n astudio ar gyfer Diploma mewn Cynllunio Gofal Iechyd (heb fod yn fwy na 500 o eiriau)			
Pa fuddion y credwch y byddwch yn eu cyflawni trwy gwblhau'r Diploma mewn Cynllunio Gofal Iechyd? (heb fod yn fwy na 500 o eiriau)			
Sut fydd eich sefydliad yn elwa os byddwch chi'n ymgymryd â'r cwrs hwn? (heb fod yn fwy na 500 o eiriau)			
Datganiad Rheoliad Cyffredinol ar Ddiogelu Data (GDPR) Rwy'n cadarnhau fy mod yn hapus i rannu fy manylion gyda Phrifysgol Caerdydd, Llywodraeth Cymru a phartïon eraill â diddordeb.	(llofnod)		
CWBLHAU CYN GWNEUD ENWEBIAD I LYWODRAETH CYMRU: Rydw i <u>mewnosodwch lofnod y Cyfarwyddwr Cynllunio</u> yn cadarnhau bod y cais hwn wedi'i gymeradwyo a'i fod wedi derbyn sicrwydd ansawdd. Mae <u>mewnosodwch enw'r sefydliad</u> yn sicr ac wedi gweld tystiolaeth ddigonol o gymwysterau ar gyfer y diploma hwn ac wedi'i derbyn gan yr enwebai.			